

長垣縣志卷十二

列女記

詩載關雎葛覃諸篇皆履常處順以見王化之行衛詩則首列柏舟蓋其變也邑爲衛地貞女節婦矢靡他之志者指不勝屈當其患難之際蹈死如歸固可與忠臣烈士竝垂不朽矣至於熒熒自守孝事舅姑存六尺之孤以延宗祀較之舍生取義其難一也然而人微迹隱其湮沒失傳者又何可勝道廼就舊志所載竝采訪所及倣劉向傳例敘次之以備輶軒之采云

賢懿

周

莊姜傳姆舊志云古列女傳莊姜幼而心異傳姆教之遂成賢女及歸莊公宜於見答而終不親傳姆作碩人四章以慰之傳姆者蒲人也

婦姑春秋時人邑有婦姑城

魯義姑舊志云遇兵棄已子抱兄子行城東有魯義姑村

唐

劉司徒母史失姓氏汴宋節度使元佐母也元佐貴母尙在月織純一端示不忘本數教敕元佐盡臣節見縣令走庭中白事退戒曰長吏恐懼卑甚吾恩而父吏於縣亦當爾而據案當之安乎元佐感悟故待下益加禮

明史列女傳卷之二十一
王氏毛秀妻正德辛未薊盜流劫至其家欲辱之不從賊
怒威以刃氏從容應對畧無懼色莫能屈遂被殺有司以
聞表其門列九貞坊

趙氏妻機城里趙越女也科死守節克事舅姑正德
辛未賊至欲犯之趙曰吾家素清白有死而已賊怒縛之
行給賊曰入室製裝遂易服投水死嘉靖十四年旌表列
九貞坊

郝氏李章妻正德辛未賊至欲污之郝中坐瞠目罵賊不
已賊威之以刃罵愈厲賊怒并其子殺之嘉靖二十五年
旌表列九貞坊

李氏王臣妻嫻於婦道里人皆敬之正德辛未賊至其家適姑病賊悅其色欲劫去李曰姑病惡可舍去賊飲之酒擲去之罵賊不已賊怒斷其首去列九貞坊

徐氏王爵妻少保永光伯祖母也

苗氏王卓妻亦永光伯祖母

魏氏王結妻永光祖母也贈一品夫人正德六年流寇劉六劉七攻裴子岩王爵與二弟扶母渡河三婦在後日暮不能渡曰與其見辱於賊何若死於河之爲愈也遂連袂赴河死天啟二年永光陳其事於朝建三烈坊以旌張氏趙勅妻嘉靖十六年夫亡自經柩前有旨旌表王氏生員唐詩妻嘉靖三十年夫亡氏年二十五歲廼絕

食自經柩前事聞旌表復入九貞坊爲十貞坊云

李氏張齊妻夫亡誓不欲生迺自經於柩側

王氏李增妻嘉靖四十年夫亡號泣絕粒三日自經以殉
知縣黃國華表其門曰敦獎完節

張氏黃悚妻嘉靖四十年夫亡自經以殉邑令表其門

麻氏舉人于慶妻慶赴會試中途感病輿歸驟亡氏年二
十七日夜痛號遺腹生一子復天不食而死學院旌之

崔氏尙書景榮女歸郃御史永春子儒士和鳳氏少讀書
知大義事翁姑以孝聞生子三歲而和鳳病且死氏矢以
殉父勸止之不聽每哭輒嘔血數升竟死萬曆中旌表
王氏于爾直妻子歸二載生一女直亡遂自縊於柩前邑

令張文炫匾其門曰烈婦竝爲撰墓表請旌

王氏監生成其功妻少保永光次女夫亡求自盡以防閑
未遂夫殯後乃自縊於遺像側天啟開臺司給匾旌獎
王氏孀童張洪德妻德病故氏年十六自縊以殉天啟元
年建坊旌表

崔氏知縣成其行繼妻年十五適行撫前妻子女若已出
越十年成病癰崔扶持數載無怠容行歿崔痛哭五日死
李氏舉人成少龍妻年二十二歲夫亡水漿不入口者七
日夫兄副使仲龍以愛子爲之嗣後數年嗣子以痘殤復
絕食十二日死

段氏儒童侯國卿妻舉人段錦孫女也年十六適國卿未

一歲而國卿死氏屢縊救免撫姪爲嗣未幾嗣子痘殤婦泣曰吾所以忍死者爲此孤耳遂自縊死

張氏胡佑妻明崇禎壬午十二月初六日流寇至淫掠婦女氏不受污罵不絕口寇殺之有三貞碑在鐵爐寨東邵氏單元楨妻崇禎甲申于歸單門是年五月二十日遇劉扁子賊衆猝至衆逃避氏獨以姑病守之賊至欲挾之去氏給賊曰從若去須梃束以行及入室持菜刀出與賊鬪賊執之上馬氏躍於馬下者再四辱罵愈甚賊怒以刀割其耳罵不絕口賊殺之

薛氏韓志奇妻事舅姑以孝聞崇禎甲申夏土寇犯邑城上置大礮傷賊甚衆賊計窘覷婦初產劫之使拜婦曰死

則死耳豈爲汝賊拜砲耶罵不絕口賊怒剖其腹而死蜀三日肌膚如生蟲鳥不敢踐

國朝

唐嘉彥妻口氏順治初嘉彥任大岡司巡檢未久病故氏孤守在宅適賊高傑行掠至堡氏爲傑遊騎所獲罵曰吾寧死義不受辱如是者三遂遇害賊去人視氏首縱橫九刃羣義其烈具棺殮之葬於庠生張鴻休塋西北隅李氏郅炳元妻順治間夫官孝感令有賊號紅旗者攻城城陷殉節氏亦被執不屈死

劉氏崔九圍妻隨夫館叔祖濬縣教諭署中順治庚寅山東寇夜襲縣城進署氏避厠園壕內爲賊所得不屈被殺

某氏生員柴廷獻妻年十六歸柴三年柴病瘡口舌腐爛
晝日夜侍七箸無倦客柴病革曰汝年少幸善事後人氏
泣曰此禽犢之行何爲出諸口柴感嘆而絕氏以帶雉經
姑救得不死送夫葬徒步二十里淚盡而血奮身投穴中
其兄救之出歸絕食死

某氏妾佚其姓氏樵於田昏霧彌野有縛籛匠走陌間見
無人逼之不從賊抽剪刀迫嚇氏大罵賊怒刺其腹腸出
而死賊惶懼帶血狂奔竟夕復反故處倉皇無人色氏夫
族方號痛索賊遂執懇伏法立匾旌焉

孟氏許氏朱某妻俱以幼寡或勸之嫁號天痛哭相與約
曰翁姑老而喪子吾輩死誰與爲養歷兵荒水旱艱苦備

嘗二婦不少變其志及翁姑歿喪葬畢二氏同日死

崔氏王鶚沖妻御史印宏女也年十八而寡子在襁褓守節事姑及姑歿氏曰吾事畢矣遂不食數日死

杜氏儒士成交越妻十五歲歸越閱四載而寡氏投繯救免舅姑許爲立嗣意稍解及嗣子殤死志益決口吾暫活以夫未葬耳旣葬乃絕粒不食氣將絕曰吾得所矣遂死

張氏李鏞妻夫亡痛哭五日死康熙二十七年旌表

王氏尚書永光孫女舉人鏞女也適崔侍郎徵璧仲子貢生瑛年十四于歸越六載瑛病歿以上有翁姑子女皆幼弱忍死撫事比侍郎與父鏞相繼逝氏以痛深得病又值瑛生母劉恭人喪氏哀痛愈甚服闋慨然曰吾子女已成

立吾已終姑喪可見吾夫地下矣遂絕食死

蘇氏張能妻因許四強逼不從羞忿自縊旌表

李氏夏光縉妻縉家貧其父民懷舌耕山左城武縣縉省
父道死氏聞痛哭仆地絕而復甦托鄰童報母曰速來看
我乃更衣投縊死時康熙二十八年也邑令孫爲立碑於
城南門內

劉氏劉建子妻被鄰惡楊四強逼不從自縊雍正五年
旌表

岳烈女廩生岳一鳴女字童生蕭菱康熙辛丑菱病歿女
聞訃卽不欲生父母防護周末卽死朝夕飲泣三月而卒
葬城東三里許大學士泰安趙公時爲邑令爲題墓碑曰

玉質冰操

王二妮王宗湯女年十七山東民張二逼之不從勒死雍

正五年旌表

郭二鳳郭禹女也爲族惡郭仁所逼守正自縊死雍正十

一年旌表

單氏監生張元良妾元良妻王氏無子卒繼室生子晫妾

姜生子晫繼氏亦卒晫出嗣又納單氏爲妾生一子未育

元良卒時姜年高單年十九誓死節嫡子晫與妻宋氏善

伺之重其節以仲男永爵爲其後撫養如已出比八歲宋

氏卒晫繼妻丁氏江南揚州人也歸寧晫與俱永爵惟單

氏卒後既而晫還遂年單氏謂永爵曰汝母同弟妹居

汝年已十六當隨汝父南行圖完聚以盡子職永爵依置
久不忍離單氏窺其意遂乘間投繯以速其行並完其節
云葬於堤西村墓前有碑

毛氏儒童成祥遠妻祥遠死氏自縊以殉邑令胡給匾曰
致身完節

于氏楊斌妻年十八適斌逾年生一女斌歿翁姑欲奪其
志氏吞聲飲泣苦節二十年女出嫁氏竟不食死

夏氏生員侯敬叔母年二十二夫故氏欲殉節敬叔甫四
歲弗顧墜樓者一投繯者一皆因救不得死後歸寧母家
乘間服瀉死

王氏李有祿妻被劉廷俊強逼不從守正自縊乾隆二十

四年旌表

王烈女王德成女被王子亮強逼守正捐軀乾隆二十六

年旌表

蔡氏北畱里孫飛龍妻年二十七夫歿子方二歲未忍卽

殉子稍長托其子於夫弟中夜縊死

韓氏廣糧集楊立柱妻年二十四夫歿無子且無可繼嗣

念舅姑年高未忍遽殉後舅姑相繼卒氏自縊於夫墓

崔氏儒童呂翀妻年二十一夫歿誓以死殉因父母及姑

防之轉念喪禮未終不爲完節旣除服謂父母曰今可以

死矣遂絕飲食七日而卒學院程旌以匾曰烈骨冰心

郭氏宋律妻農家婦也夏往瓜山值驟雨有匪人強逼不

從大罵衣衫盡裂匪見有人至遁去婦歸泣訴於翁姑自縊死

王氏李興妻因李五調逼守正不污自盡明志乾隆三十年旌表

劉氏關發戶妻因樊閭存強逼自盡乾隆三十八年知縣

胡金門堂訊詳請旌表

于氏張秉良妻被伊姪張二黑調逼不從捐軀明志乾隆五十年旌表

尹二福姐尹寨尹良玉女字河南考城王氏子某乾隆乙巳女年十九王氏子病歿女聞訃哭泣不止父母勸解始稍進飲食後聞有與議婚者乃自縊死殮時面如生

翟氏湯桂妻爲宋喜住所逼不從守止自縊嘉慶六年

旌表

王氏生員單進修妻年二十一夫亡投繯數次皆救免後
繼夫兄子爲嗣防閑少懈自縊死時嘉慶十年六月

陳氏賈成妻嘉慶戊辰氏年二十四夫亡七日自縊柩前

節婦

明

傅氏郭得魯妻魯死氏年二十有三子幼撫孤守節依其
兄紡績爲業未嘗言笑永樂中旌表列九貞坊

石氏田廣妻夫卒守節言笑不聞於外勤織紵以奉舅姑

撫子成立天順初旌表列九貞坊